

## PROGRAMA No. 0330

# JOSUÉ

Cap. 10:1 - 11:7

Maitei angirũr che rendúva. Ñañepyrũr ko árape ñande estudio Josué rehegua. Ko árape ñamyesakũta ko capítulo 10. Ko capítulope jajuhu umi 5 rey oñorairõ ramo guare umi Gabaóngua ndive. Ha Josué oipytyvõ Gabaónpe. Ñandejára oñorairõ hendive kuéra, amandáupe ojapi chupe kuéra ha pe kuarahy ha jasy opyta Josué ojerure rupi. Umi 5 reype ojejuka, 7 rey rehe ipu'akave, ha Josué ou jevy pe campamentope, Gilgalpe. Ko capítulo 10pe oñe'ẽ ñandéve Josué ipu'aka ramo guare umi 5 rey rehe ha'éva amorreo, oikévo sur gotyo. Opa pe ñorairõ surpe ohundívo Macesa, Laquis, Libna, Eglón, Hebrón ha Debirpe. Ko capítulo 10pe avei jajuhu pe ára ipukuve ramo guare. Ha heta oĩ oporandúva: ¿Josuépa omombyta pe kuarahy?

Ñañe'ẽta pe ára ipukuve ramo guare rehe. Ñepyrurã oĩ heta noñe'ẽséiva péva rehe, ombohasa reĩnte ku mba'evete ramo guáicha.

Mokõiháme katu oĩ he'íva péva ku ñe'ẽpotýicha. Péicha omoñe'ẽ, he'i ndoikói hague pe milagro. Umi péicha he'íva imandu'a pe Jueces capítulo 5, versículo 20pe he'íva rehe: “*Yvate yvágagui mbyja kuéra, amo yvatégui Sísara ndive oñorairõ.*” Ore ndoro'úi ha'eha ñe'ẽpoty.

Mbohapyha, oĩ he'íva pe tesape sapy'ánte hi'are voĩnte péicha. Oñeñe'ẽve pe versículo 13pe he'íva rehe.

Irundyha, oî he'íva Ñandejára ojoko paite hague pe sistema solar. Pe ára ipuku 23 hora ha 20 minuto. Umi ambue 40 minuto jajuhu segunda de Reyes, capítulo 20pe versículo 8 guive 11 peve.

Poha, oî he'íva Ñandejára ombogue hague pe kuarahy. Oî avei he'íva mbaretépe oho hague Josué pyharekue 65 kilómetro rupi oñorairô hapykue guio, oimo'ã'y rehe hikuái. Oiko hague juliope ohupyty rupi 40 ha 49 grado kuarahy'ãme, ha upépe ndaipóri yvyra. Ha Josué ndoipotavéi kuarahy aku.

Ha, ha'ete pe irundy ha poha pegua he'ívéva pe añetegua. Josué oikotevêve tesape ha noikotevêi ára haku. Ñandejára ojaho'i amandáupe pe kuarahy. Ojoko pe yvy. Pe Ñandejára Ñe'ẽ ohechauka pe kuarahy opyta hague Gabaón ári ha pe jasy oguejy pe Ajalón yvýpe. Umi astrónomo kuéra he'i ndojuhúiha peteî ára oġuahe meve Josué oikove ramo guare peve ha upépe ojuhu hikuási pe ára okañýva chugui kuéra. ¡Péva ha'e peteî milagro!

Ñañepyrũta ñaÑe'ẽ pe Gabaón pegua ñorairô rehe. ÑamoÑe'ẽ umi versículo 1 guive 5 peve ko capítulo 10gui Josuépe:

***Josué 10:1-5 “Adonisedec, Jerusalén ruvicha guasu, ohendu Josué pópe ho'a hague táva Hai ha ohundi hague. Ohendu Jericó ha huvicha guasúre ojapo haguéicha ojapo hague Hai ha huvicha guasúre. Oikuaa avei Gabaóngua oñemoî hague peteî ñe'ẽme Israelgua ndive oiko porâ haġua oñondive. Adonisedec opyta okyhyje. Oikuaa táva Gabaónpe ndaipóriha mburuvicha guasu. Upéicha ramo jepe, upéva upe táva tuicha, tuichave Haigui ha kuimba'e kuéra upe pegua ipy'aguasu ha oñorairô mbarete. Adonisedec he'ika táva Hebrón, Jarmut, Laquis, ha Eglón ruvicha guasúpe Hohan, Piream, Jafía, ha Debírpe kóicha: Peju che pytyvô ha ñahundi táva Gabaón. Umi upe pegua oñemoî peteî ñe'ẽme Josué ndive ha oñemoî porâ***

*hikuái Israelgua ndive. Oñembyaty oñondive umi 5 amorreo ruvicha guasu kuéra, táva Jerusalén, Hebrón, Jarmut, Laquis, ha Eglóngua. Ogueraha igente kuéra omongora táva Gabaón ojeity haḡua hi'ári upéi.”*

Umi 5 rey oñomoirũ oñorairô haḡua Gabaón ndive. Péva ombohasa vai umi Gabaón guápe ha, ¿Mba'épa ojapo umi Gabaóngua? Ñamoñe'ëve umi versículo 6 guive 9 peve ko capítulo 10gui, Josuépe:

*Josué 10:6-9 “Táva Gabaóngua omondo Gilgalpe, Josué rendápe he'ikávo chupe kóicha: Umi amorreo kuéra yvytyre oikóva opu'âmba ore rehe, eju pya'e ore pytyvõ. Ne rembiguái niko ore. Osẽ Josué Gilgalgui ñorairõhára kuéra reheve, ha he'i chupe Ñandejára: Ani rekyhyjétei. Amoíta umíva nde po guýpe. Ndaipóri mo'ái ipu'akáva nde rehe. Oguata hikuái Gilgalgui upéva upe pyhare pukukue. Oḡuahevo Gabaónpe ojeity hikuái umi amorreo kuéra ári.”*

Ñandejára omombaretévo Josuépe oguata upe pyhare pukukue 65 kilómetro rupi Gilgal guive, ha oḡuahevo Gabaónpe ojeity hikuái umi amorreo kuéra ári hapykuéguio. Ñamoñe'ẽ umi versículo 12, 13 ha 14 ko capítulo 10:

*Josué 10:12-14 “Upe ára Ñandejára omoïvo umi amorreo kuéra Israelgua pópe, Josué he'i Ñandejárape opavave Israelgua renondépe kuarahy, epyta Gabaón ári, ha nde jasy, Ajalón ñu ári. Kuarahy ha jasy opyta peteî hendápe Israelgua ojukapa peve umi chupe kuéra ohayhu'yva. Upe heko jojáva kuatiápe niko he'i kuarahy opyta hague yvága mbytépe, ha ndoguejýi hague oike peteî ára aja. Upéva mboyve térâ upéva rire avave na imandu'áiiva Ñandejára ojapo hague yvypóra he'íva chupe. Upe ramo ojapo vaekue ha'e oñorairôgui Israel ndive.”*

Hetáma ñañe'ẽ pe ára ipukuve ramo guare rehe ko capítulo 10pe. Jahecha háicha ko versículo 12pe Ñandejára ojoko paite pe sistema solar. Pe kuarahy opyta Ñandejára omo'ãgui amandáupe. Josué ndoipotái pe kuarahy aku, péva rupi Ñandejára ojoko pe sistema solar ha sa'ivéma haku.

Jajuhu Ezequías rembiasakuépe Segunda de Reyes, capítulo 20, versículo 8 guive 11 peve pe kuarahy oguevi hague 10 grado, upépe jajuhu umi 40 minuto ndojejuhúiva.

Ñandejára Ñe'ẽme jajuhu pe peteî ára ndojejuhúiha. Ñandejára ojoko rupi pe kuarahy ikatu haḡua Josué ipu'aka pe ñorairôme. Peteî mbo'ehára he'i: “Ndaikatúi Ñandejára ojoko pe kuarahy peteî kuimba'e rehente.” Ha ikatu oî heta he'íva péicha. Añetehápe ojoko pe kuarahy peteî kuimba'e rupi. Avei ombou ita'ýra peteî etépe omano haḡua ñane angaipa rehe. Ñandejára ojoko ramo guare pe kuarahy ohechauka iñarandu ha ipu'akapaha. Ombou ramo guare Ita'ýra yvypóraicha omano haḡua kurusu rehe, ohechauka pe imborayhu tuichaitéva.

Apóstol Pablo he'i ñandéve Efesios, capítulo 2, versículo 5pe: *“Ha jaikove ramo jepe ku omanóva ramo guáicha ñane rembiapo vai haguére, ñane moingove jevy Cristo ndive. Ñandejára imba'e porãgui pene renohẽ peẽme jejopy vaígui.* Ñandejára Jesucristo voi he'i Juan, capítulo 3, versículo 16pe: *“Ñandejára ohayhu etereígui opa yvypórape, ome'ẽ vaekue ta'ýra peteî ete, ani haḡua omano umi hese ojeroviáva, oikove haḡua uvei opa ára.”* Ñañe'ẽta ko'aḡa Josué ipu'aka ramo guare Macedape rehe. Ñamoñe'ẽ umi versículo 15 guive 19 peve ko capítulo 10gui Josuépe:

***Josué 10:15-19 “Upéi Josué ha opa Israelgua ojevy Gilgalpe. Umi 5 mburuvicha guasu nimbo oho ra'e okañy ita kuápe Macédape. Ha oje'eka Josuépe umi 5 mburuvicha guasu okañyha ita kuápe Macédape. Josué he'i Israel guápe: Pembyapajeréi ita upe ita kua jurúre***

*ha pemoĩ upépe hese oñangarekóva, ani aña okañy hykuái. Peẽ katu ani pepyta upépe. Tapeho umi pende rayhu'yva rapykuéri ha pehenonde'a ani hañuatei oike itáva kuérape. Ñandejára pende Jára niko omoĩma umíva pende pópe.”*

Ne mandu'áke Ñandejára ome'ẽ hague ko'ãva rey ha itáva guápe 420 año, ikatu hañua ha'e kuéra ojerovia jevy hese ha ha'e kuéra ndojapópi upéicha. Ñandejára he'i umi Israel guápe ome'ẽ jevýtaha chupe kuéra ijyvy, ha osalva jevýta umi hese ojeroviávape. Israel ndoikéi upe yvýpe umi amorreo hembiaipo vai rasa peve. Ha upe aravo oñuahema. Ñandejára ombohasa umi israelitape pe Mar Rojo, ndaha'úi ohayhu rupinte chupe kuéra, ohechauka avei ipu'akapaha pe ovecha ruguy oñemoĩvo umi okẽ rehe osalváva chupe kuéra manógui. Upe tuguy oñemoĩva umi poste rehe Egiptope, ha'e avei peteĩ techapyrã umi cananeo pe ñuarã. Rahab ohendúvo mba'éichapa umi Israelgua ohasa pe Mar Rojo, ha'e oguerovia Ñandejárape. Ha'e ogueroviávo hapicha kuéra avei ikatu Kuri oguerovia. Umi ndogueroviávape katu Ñandejára ombojovake.

Pe marandu, angirũ che rendúva na ñambuúi, Ñandejára ohayhu yvypórape, nde rayhu ndéve ha chéve. Nde ikatu ere nde jehe ne reikotevẽiha Ñandejára rehe, he'i haguéicha umi cananeo, ha ha'e kuéra ndojesalvá. Ñamoñe'ẽ umi versículo 24 ha 25:

*Josué 10:24-25 “Oñuenohẽvo okápe, Josué ohenói opa Israel guápe ha he'i umi ñorairôhára ruvicha kuérape oho vaekue hendive: Peju pepyrũ ko'áva ajúra rehe. Oñemboja hikuái ha opyrũ ijajúra kuéra rehe. Josué he'i chupe kuéra: Ani pekyhyje térã pende py'a mirĩtei. Pende py'a guasu vaerã. Kóicha ojapóta Ñandejára opa umi peñorairôva ndive, ha umi pende rayhu'yva rehe.”*

Josué ombopy'a guasu umi ipy'a mirívape. Ko'ávagui voi okyhyje Kuri umi israelita Moisés ojokuái ramo guare chupe kuéra omaña ñemi hañua hese kuéra.

Umi israelita okyhyje ha Ñandejára ombopy'a guasu chupe kuéra. Upe rire jahecha Josué ojuka hague umi rey kuérape ha omosaingo hetekue yvyra mátare. Ñamoñe'ẽ pe versículo 27:

***Josué 10:27 “Kuarahy oikévo, Josué omboguejyka umi mburuvicha guasu retekue osaingóva yvyra mátare. Ogueraha hikuái omombo upe itakua okañy haguépe. Ijuru omboty ita guasúpe ha upéicha oĩ ko'añaitépe.”***

Ndaikatúi ñañe'ẽ vai umi israelita ojapo vaekue rehe. Ojapo hikuái pe ojapo vaerã hekoitépe, ko'áva tapicha reko vai nomomba'éiva Ñandejárape. Ndojukái rire umi rey pe omopu'ãta Kuri hikuái Josué rehe umi israelitape.

Omano rire umi rey, Josué omboguejyka umi mburuvicha guasu retekue osaingóva yvyra mátare pyhare mboyve. ¿Mba'e rehe ojapo péicha? Ne mandu'ápa oje'e ñandéve Deuteronomio capítulo 21, versículo 23pe: “Ani peheja osaingo yvyrágui pyhare pukukue. Peñotỹ upe árape voi. Ñandejára niko oity pe osaingóva rehe jeharu. Peñotỹ chupe ani pemongy'a upe yvy Ñandejára pende Jára ome'ětava peẽme.” Apóstol Pablo he'i Gálatas, capítulo 3, versículo 13pe: “Cristo ñande pe'a ani ñañe hundi pe tembiapoukapy rupi, ha'e voi oñemoĩ oñehundi haḡua ñane rendaguépe. Ñandejára Ñe'ẽ he'i: Oñehundíne pe yvyráre osaingóva.” Cristo omano kurusúre, ha ojepe'a chupe pe kurusúgui, ojehai rehe: “Oñehundíne pe yvyráre osaingóva.” Ogueraha kurusu rehe ne angaipa ha che angaipa. Jahasávo umi versículo 41, 42 ha 43pe, ko capítulo 10gui, Josuépe ñamoñe'ẽ:

***Josué 10:41-43 “Upéicha Josué pópe ho'a upe yvy ojepysóva Cades Barnéagui Gaza peve, ha Goséngui Gabaón peve. Ñandejára Israel Jára oipytyvôgui Israel guápe, peteĩ ndyrýpe ho'a ipópe ko'áva yvy huvicha guasu kuéra reheve. Upéi Josué mayma Israelgua ndive ojevy hekoha oĩva Gilgalpe.”***

Ñandejára oheja ipu'aka umi israelita ha ome'ẽ chupe ijyvyrã. Ko'ağa rupi ñande pu'aka, angirũ che rendúva, Cristo Jesús rupive. Jaguereko pu'aka Cristo Jesús oĩ ramo ñande rekovépe. Péicha ramo ñande rovasa opaichagua jehovasa espiritualpe.

Ko'ápe ñamohu'ã ñande estudio ko capítulo 10 rehegua Josuépe. Ñağuahema pe capítulo 11pe. Ko capítulope jahecha kuaáta heta rey rehe ipu'aka Josué pe y Merom rembe'ýpe. Hazor rehe ipu'aka ha ohapy. Opavave tetã rehe ipu'aka Josué ha umi anaceo kuérape ojejukapa. Ko capítulo 11pe oñe'ẽ pe ñorairõ norte pegua rehe ha Josué ohechauka pe py'a guasu Ñandejára ome'ẽva chupe rupive ipu'aka opa tetã rehe. Pe versículo 23pe ko capítulo 11pe Josuépe he'i:

***Josué 11:23 “Upéicha Josué pópe ho'a upe yvy, Ñandejára he'i haguéicha Moiséspe. Josué omboja'o ha ome'ẽ opaite Israelgua ñemoñare guápe upe yvy imba'e teerã. Upéi opa ñorairõ upe tetãme.”***

Ñañe'ẽta pe Palestina del nortepe ojejapóva rehe. Ñamoñe'ẽ umi 6 versículo ñepyrurã ko capítulo 11gui, Josuépe:

***Josué 11:1-6 “Jabín, mburuvicha guasu Hazor pegua ohendúvo umi mba'e Israelgua ojapóva he'ika hapicha mburuvicha guasu kuérape oñemoĩ hağua hendive Israelgua rehe. Oñatõi Jobab Madón guápe, Simrón ha Acsaf guápe. Ha opa umi oĩva yvate gotyo yvytýre, umi ysyry rembe'ýre oikóva sur gotyo y guasu Galileágui ha umi oikóva kuarahy reike gotyo, táva Dor gotyo. Omondo avei marandu umi Canaánpe oikóva kuarahy resẽ ha kuarahy reike gotyo; umi hitita, perisita ha jebuseo kuérape oikóva yvytýre, ha umi Heveo kuérape oikóva yvyty Hermón pyre, Mizpape. Ko'áva 5 mburuvicha guasu ñorairõhára reheve heta kavaju ha carro ogueru. Hetáva hikuái yvyku'i ra'yicha, ikatu'yva jaipapa. Ko'áva 5 mburuvicha guasu ojotopa peteĩ hendápe ha upéi oho oñemohenda Merom y rembe'ýpe. Upépe oñorairõta hikuái***

***umi Israelgua ndive. Ñandejára he'i Josuépe: Ani rekyhyje chugui kuéra. Ko'ẽ ramo guarã ajuka paitétama chupe kuéra. Peikupy mopẽ henda kuéra ha pehapy icarro kuéra."***

Ha'ete Jabín Hazor pegua rey pe omyakáva umi rey kuérape. Omomarandu umi norte pegua rey kuérape ha oñomoirõ hendive kuéra. Jahechakuaa Josué ipu'akámaha umi surpe oíva rehe ha oho ko'ağa norte gotyo. Pe versículo 7pe he'i:

***Josué 11:7 "Oho chupe kuéra Josué ñorairõhára kuéra reheve. Oimo'ã'yhágui, Israelgua ojeity hi'ári kuéra Merom y ypýpe."***

Josué Oimo'ã'yhágui, oñorairõ umi rey norte pegua ndive.

Ko'ápe japytáta ko árape, ambue programape ñamyesakávéta ñande estudio ko capítulo 11 rehegua Josuépe.

Ehaíke oréve remombe'úvo mba'éichapa ne pytyvõ ko mbo'epy. Reipota ramo umi nota ha bosquejo, ikatu reike reite ore página internet peguápe, kóva ha'e pe dirección [atravesdelabiblia.org/notas](http://atravesdelabiblia.org/notas), ha'e jey [atravesdelabiblia.org/notas](http://atravesdelabiblia.org/notas).

Rehenduse jey ramo ko programa, téra ne rehendúi ra'e peteíva eike jey [atravesdelabiblia.org/recursos](http://atravesdelabiblia.org/recursos), ha'e jey [atravesdelabiblia.org/recursos](http://atravesdelabiblia.org/recursos).

Angirũ che rendúva, roha'ãrõ rehai oréve téra embou peteĩ mensaje WhatsApp rupive 0981 521 200pe Radio Transmundial Paraguaye, rejerurévo umi nota ha bosquejo ko programa rehegua. Téra ehai oréve internet rupive ko direcciónpe [atbparaguay@transmundial.org](mailto:atbparaguay@transmundial.org), ha'e jey [atbparaguay@transmundial.org](mailto:atbparaguay@transmundial.org) ; roha'ãrõ rehai oréve. Ñandejára tande rovasa porãite